


www.BibleForChildren.org

Juan 14



Mak'axir iwanima', ku'l ik'u'x chirij ri Dios xuquje' ku'l ik'u'x chwij in. Cho rachochoch ri nuTat k'o sib'alaj k'i ja k'olib'al. We ta mat jeri', nub'im ta ri' chi'wech. Kine' na chusuk'umaxik jun ik'olib'al. Are kine'ek, ke'nsuk'umaj kan ri ik'olib'al, k'a te ri' kintzaliq loq chi'k'amik, rech kixe' wuk'. Jeri' rech kixk'oji' na jawje' ri in k'o wi in.



In in Juan, in iwachalal, xuquje' in iwachi'l pa ri k'ax
ri kaqariqo pa ri ajawarem rech ri Dios xuquje' pa
ri jeqelem ri ya'tal chaqe ruk' ri Jesús.


In in k'o pa ri jub'iq' chaqi'j ulew
ri ub'i'nam Patmos, xa




rumal utzijoxik ri utzij
ri Dios xuquje' rumal
uq'alajisaxik ri
Jesús.




Qas pa ri q'otaj ri' xinkanaj pa ri ukwinem ri
Uxlab'ixel, k'a te ri' xinwilo jun t'uyulib'al pa ri kaj,
pa ri t'uyulib'al ri' k'o jun t'uyulik.




Xuquje' xinta ri kakib'ij konojel ri e jastaq ri e tiktal pa ri kaj, pa ri ulew, chuxe' ri ulew xuquje' pa ri plo, konojel keb'ixonik kakib'ij: Yo'q chib'e q'ij saq ri q'ijila'nem, nim uq'ij, ri juluwem xuquje' ri kwinem che ri t'uyul pa ri t'uyulib'al xuquje' che ri k'in laj chij.




In in Juan, xinwil ri Tyoxalaj tinimit, ri k'ak' tinimit
Jerusalén xqaj loq pa ri kaj rech ri Dios jer atz'yaqininaq
jetaq jun alib'atz ri jub'iq' karaj kak'uli'k. K'a te ri' xinta
jun ch'ab'al ri upetik pa ri kaj xub'ij: Are wa' ri rachoch ri
Dios, chi ri' kak'oji' wi na ri Dios junam kuk' ri utinimit, ri
winaq ku'x
na utinimit
xuquje' ri Dios
kux na ri xa
jun kiDios.




K'a te ri', ri ángel xuk'ut chinuwach jun nima'
ch'ajch'oj ri kuya jun alik k'aslemal, we nima' ri'
kel loq pa ri ut'uyulib'al ri Dios xuquje' pa ri
ut'uyulib'al ri alaj Chij.



Man kajawataj ta xuquje' ri q'ij, ri ik' pa ri tinimit jeri' rumal ri ujuluwem ri Dios are katunan ri tinimit xuquje' ri alaj chij jun chike ri q'aq' ri katunanik rech ri Dios.



Man k'o ta jun ch'uluj jastaq kok pa ri tinimit, man kok ta xuquje' ri winaq ri kub'an xa'wib'al taq jastaq xuquje' ri winaq ri kub'an b'anoj tzij, man kok ta xuquje' ri winaq ri kuq'ijila'j e b'anom dios, xane xaq xwi ko'k ri winaq ri tz'ib'atal ri kib'i' pa ri Uwuj ri alaj Chij.



Ri Dios kusu' na ri uwa'l kiwach
konojel, man k'o ta chi wi
kamikal xuquje' man keb'ison ta
chi wi, man kakina' ta chi wi k'ax,
rumal cher xik'ow kan ronojel we
jastaq ri'.




Man k'o ta chi wi' etzelal kab'an pa ri tinimit ri'. Ri ut'uyulib'al ri Dios rachi'l ri ut'uyulib'al ri alaj Chij kek'oji' na chila'. Konojel ri e patanil rech ri Dios kek'oji' xuquje' na, keq'ijila'n na che ri Dios.

Kaqil na ri upalaj ri Dios xuquje' katz'ib'ax na ri ub'i' ri Dios chikipalaj.



K'a te ri' xinwil ri e nitz' xuquje' nimaq taq kaminaqib' e tak'al cho ri Dios, xejaqataj k'u ri wuj, k'a te ri' xjaq chi jun wuj are wa' ri wuj rech k'aslemal, xq'at k'u tzij pa kiwi' ri e kaminaqib' rumal ri kichak ri xriqitaj pa ri wuj. Are k'u ri man xriqitaj ta ri ub'i' pa ri wuj rech k'aslemal, xk'yaq b'ik pa ri cho ri k'o q'aq' chupam.



Are k'u ri man xriqitaj ta ri ub'i' pa ri wuj
rech k'aslemal, xk'yaq b'ik pa ri cho ri k'o
q'aq' chupam.



Ri Dios sib'alaj xu'loq'aj ri
winaq ri e k'o choch ri uwachulew,
xuya ri xa jun uK'ojol rech xapachin
ri kakojon che man kasach ta
uwach xane k'o uk'aslemal
ri maj uk'isik.



Romanos 3:23 Xa k' u rumal cher konojel xemakunik rumal ri' maj ke che ri ujuluwem ri Dios.

Romanos 6:23 Jeri' rumal cher ri tojb' al rech ri mak are ri kamikal, ri usipanik k' u ri Dios are ri jun alik k' aslemal pa Cristo Jesús, ri Ajawxel.

Hebreos 9:27 Jetaq ri b' i' tal loq, qonojel uj winaq xa junmul kujkamik, k' a te ri' kape na ri q' atoj tzij.

Efesios 2:8,9 Xaq pa toq' ob' xixkolotajik, rumal ri ikojob' al, man ruk' ta ichuq' ab' , xane xaq usipanik ri Dios. Man rumal ta chak rech maj jun kuna' nimal.



Romanos 10:9,10 We che ri achi' kab' ij chi ri Jesús are Awajaw xuquje' kakoj pa awanima' chi are ri Dios xk' astajisan chikixo' l ri kaminaqib' , katkolotajik. Rumal cher pa ranima' jun kukoj wi rech kab' antaj suk' che, xuquje' ruk' ri uchi' kuq' alajisaj rech kakolotajik.

Juan 3:16,17 Ri Dios sib' alaj xu' loq' aj ri winaq ri e k' o choch ri uwachulew, xuya ri xa jun uK' ojol rech xapachin ri kakojon che man kasach ta uwach xane k' o uk' aslemal ri maj uk' isik. Ri Dios man xutaq ta loq ri uK' ojol chuq' atik tzij pa kiwi' ri winaq ri e k' o choch ri uwachulew, xane xpetik rech rumal rech kekolotaj ri winaq.



1 Juan 5:11-13 Ri q' alajisanik ri xub' an ri Dios are chi ri Dios xuya jun alik qak' aslemal, ri k' aslemal ri' k' o pa ri uk' ojol Jesús. Ri winaq ri xkojon che ri K' ojolaxel Jesús k' o uk' aslemal. Ri man kojoninaq ta che ri K' ojolaxel, maj uk' aslemal. Kintz' ib' aj we jastaq ri' chi' we, ri ixkojoninaq che ri uK' ojol ri Dios. Rech xa jeri' kiweta' maj chi k' o jun alik ik' aslemal.



Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

© Pioneer Bible Translators, 2022 CC-BY

<https://www.bible.com/bible/3557/MAT.1>

©2026 Bible for Children, Inc.

www.M1914.org

www.bibleforchildren.org

